

上清太一帝君太丹隱書解胞十二結節圖訣
 夫人生由胞胎以自變稟血精以自成故既
 生而胞胎更結既成而血液不留不留者帝
 君混合則已留住之矣胞胎有十二結節盤
 固五內五內滯礙結不可解節不可除故人
 之病也由節滯也人之死也由結固也常以
 本命日若八節日上請帝君與太一混合約
 制百神而解胞中牢堅之結盤根之死節也
 胞有十二結內又有十二節節在結內人不
 知解胞結節者亦不免死矣恒解之者長生

胞上結一在泥丸中二在口中三在頰中四



在目中此胞之四結在上部
 胞中結一在五藏中二在太倉中三在大腸
 中四在小腸中此胞之四結在中部
 胞下結一在膀胱中二在陰中三在後門中
 四在兩足中此胞之四結在下部

解結之法入室閉戶存思先請帝君以下百
 神名字每過畢乃按次解結此法是帝君太
 一混合二十四神解結除尸氣之道也此以
 本命日若八節日中夜半時任意也正坐
 向本命之方接手端心叩齒二十四通曰男



生某甲上啓胞父胞母始生之日三積留血
 化爲十二大結今本命之日謹請三九之神
 二十四真人解三關十二結請言所召
 東方青帝雕梁際字青平
 五方五帝隨方色取宜設色

南方赤帝長來覺字南和



西方白帝彭安奉字西華



北方黑帝保成昌字北伐



玄一老子林虛夫字靈時道

眼綠已下服色依註說錄並取宜註色



三素老君牢張上字生道服素



正一左仙人仲成子一名帝賓字四華服紫



正一右仙人曲又子一名光賢字靈和淺紅服



太微小童于景精字會元子

一名三神文一名對帝真符服



上胎內真等有九人外合九氣是為九君為

甲上解結結在上關四結解散津血源長

上生籍永為帝仙

太一尊神務猶收字歸會昌一名鮮明一名

寄頰服深紫



右無英公子玄元叔字合符子一名元素君一名神公子淺紅服



右白元洞陽君鬱靈標字玄夷絕

一名朱精一名故成許服



中央司命文人君理明初字玄度卿一名神宗一名靈華服紫



命門挑君孩道康字合精延一名命王一名胞根淺紅服



泥丸天帝君上二赤子玄凝天字三元先一名曰元上一名曰史葛峰



泥丸天帝卿擎勤精字中玄生一名起非一名常扶服



絳宮心丹田宮中元丹皇君神運珠字子南丹一名生上伯一名重物



絳宮輔皇中一卿中光堅字四化靈一名出車伯一名重史華靈



中胎九真是為九君迴靈九氣化入絳宮五藏大結大腸小腸皆當化散四結分昌中關調利流注太倉千災萬禍一時滅亡記上生錄末無災殃



命門下一黃庭元王始明精字元陽昌一名見胎二名伯史原服



黃庭保鎮弼卿歸上明字谷下玄一名奉中伯一名才光生赤黃服



第一胎中白氣君務玄子字育尚生素服

第二結中青氣君案延昌字合和嬰服青



第三節中黑氣君斌來生字精上門服皂



第四胞中黃氣君祖明車字神無極服黃



第五血中赤氣君混離子字叔保堅服綠



第六上玄元父君高同生字左迴明燄蓋服



第七下玄玄母君叔火王字右迴光絳服



下胎九君胞胎內真生化九氣是為九魂九
魂精結胞中節堅使甲不壽中年隕顛今日
本命如往初生乞得解散十二死根名上玉
籍五符入身下鎮九氣永得纏綿上開九宮
下開九關禮讀再過都畢當和心下氣勿令
音輟而蹇也又閉目存呼太極紫房天皇大

帝君達凌梵字履昌靈一名七靈一名神丈
人如此祝之三又存三九結解真君東方青
帝雕梁際等下詣玄母叔火王等二十七人
同著朱衣黃巾黃巾者似遠遊冠之狀也貌
如嬰兒有無長短若兆不能諳識一二存念
者可入室按文施行之已後山色雲蒸人
物並取宜設色



次引太極紫房並北面對太帝君而各長跪
其言曰上關雕梁際等九人中關太一務猶
收等九人下關下一黃庭始明精等九人三
九二十七人即日緣氣內咽上開三關關有
二十四結結有二十四筋筋即已斷結已解

散津血上衝徑滿泥丸玉液下順哺養百神
即日某甲名上帝籍長生神仙畢又存太一
召兆上詣帝君前帝君曰胞結已通光內徹
外使爾長生命不傾隊汝可合我形中矣帝
君因開口覺我忽入帝君口中徑到帝君六
合宮中帝君六合宮中又有太上神名重冥
空字幽蒙無因告兆曰可食日精矣兆即取
日精食之作九咽止須臾見向二十七真人
皆在兆左右立二十七真人曰某甲胎籍已
解穢氣皆除面已玉澤體洞太虛長生億萬

帝君同符又存帝君祝曰
天上同真是甲之身上同靈是甲之形良
父都畢也此為九君混合內化百神解胞散
結開利三關上符六合併景帝君變化命籍
氣鎮泥丸長生受符方為天仙者也存思都
畢乃更散髮更梳頭解衣更結衣洗手足






帝君泥丸中又有六合官官中有帝皇太一君名重冥空字幽寥無兆知之者朽骨更生五藏生華終身不畏怖畏怖之時北向呼此名三過祝曰
羅阿重冥空雷風幽寥無上生帝君形祐兆使無憂畢如與千人同侶



太一曰人有三魂利人之存人有七魄害人之命七魄朝在人左目下暮在鼻人中下學道者欲卧先以右手爪按左目下及人中各三七過甚佳此制七魄之道也



帝君曰太一寶玄玉經太上真人藏於五嶽華房之內非有仙籍者不得聞見此也見之者生行之者仙是故重為盟誓束其天真以防宣泄流布離行耳自天尊貴仙幽秘此遺非仙骨者不授也無至誠者不聞也故經曰

師受者禮焉經之傳也從師而受受經而用弟子道也傳授之際各齋七日或十日先後又曰告齋各復八日也古者盟誓皆歃血斷髮立壇告天以為不宣示信之約也今自可就十以金青絲之陳以代髮膚之體耳列於別靖十三祝啓上皇法用金錄三枚鮮明赤而有光者青緒九尺以代三契之盟亦可相連為二十七尺耳受經當寫為兩通修一几一也盟物備錄不得私用以自營也故太上中經曰夫師因經業故稱之曰生受者習焉以同其誠推盟誓天固神告靈纏綿憂樂義齊死生於是始驗尅終俱期仙庭者矣爾乃束拜訟受修盟曲室尊早以顯三契分別孜孜之心寶經藏密施行要言誠存專一保敬師經方寸敢怠如此始可與言神靈之交道德之契矣奉經而秘其道行事而遵其誓則上以刊名於玉簡書帝錄於太極若違其道也則七祖受風刀之考玄母受胎零之害身為下鬼門亦堙滅捷蒙山之石以投積夜之河悲夫有心之子其慎秘也哉此太上真人契令張天

師演出於丹景經中有是慎盟之書也受太

上帝君之道用事如此故記而施行焉

金錄三枚盟三元之誓也青繒二十七尺緹

帛也盟上帝君二十四神之誓也赤絲五兩以

盟五神公子之誓也和香二裹以為告靈交

氣之因也筆一枝紙一百丹一兩書盟也

右五種以物器盛之不宣露也皆受經者具

也弟子寫畢乃齋經及信來詣師室而受經

受經畢乃得施用耳不盟受而竊行之者按

女青詔書失兩明也受而不行者有天災考

也行而宣泄者有風刀災考也傳非其人七

世父母受其考也此

玄都鬼律女青詔書之旨

上清太一帝君太丹隱書解胞十二結節圖訣

上清洞真天寶大洞三景寶錄卷上 集一

太上帝君金虎符錄 玉清部階第一

維某號某年太歲某月日子某州郡縣鄉里

男女生姓名年若干歲某月日時生今齋儀

信詣

三洞法師某君門下請受

太上帝君金虎符錄受佩已後依科奉修不

得輕泄穢汙真文一旦違犯自受考責萬劫

不原修持如法生死俱仙一如

盟科律令

太微天帝君金虎玉精真符乃太上元上景自

然金童之內音也以役命金仙封山召雲威

振六天誠落萬魔太上恒以四靈六甲七十

萬人衛符於太微瓊宮佩此符者威制天地

呵叱群靈控駕景龍位司高仙瓊音既振則

玉華侍側金真衛兵千杖喪膽萬鬼滅形九

魔併首六天摧傾道妙極真神哀五靈左嘯

玄童右攝金晨大哉寶文太帝威真豈徒辟

毒攘試滅杖而已乃求仙妙品得真之標題

矣侍書玉女二十七人營衛有經者之身奉

符尊科上昇三清宮若違慢者及傳非人身

入風火永劫不原符朱書白素佩之頭上又

以雌黃碧帶於腰之中右面也一如

太上盟科律令

卷內符並朱書

